

# سِرِّ السُّلْطَانِ

سِرِّ السُّلْطَانِ

أتبعون اهدكم سبيل الرشاد

والله يهدي من يشاء الى صراط مستقيم ديني ، علمي ، ادبي ، سياسي هفتهاق بمجموعة اسلاميه در

صاحب و مدير مسئول : ح . اشرف اديب

جلد ۱-۸

۲۱ حزيران ۱۳۲۸

پنجشنبه

۱۹ رجب ۱۳۳۰

عدد ۱۸-۲۰۰

وتجاریہ لرینہ خاتمہ چکیلدی . جزائرده کی مسلمانلر ایتالیان قومپانیہ سنہ منسوب اولان تراموایلرہ قارشو بوقوتاز اعلان ایلدیلر . فرانسه حکومتی ہرنہ قدر چالیشدیسہ ، جبرو تضیق اجراسنہ قالقیشدیسہ ہیج بر نتیجہ یہ منجر اولقسزین اک صکرہ مسلمانلرک دیدیکی وایستدیکی اولدی .

ایرانہ ، ایتالیادہ معمول صنعی چیوتلر او قدر کثرتلہ کوندربلوب منافع عظیمہ تأمین اولندیفی حالہ ، محاربہ حاضرہ یوزندن ایتالیانک بومناعی دہ کسادہ اوغرایوب ، یرینہ هندستاندن چیویت جلب ایلدیلمکہ باشلادی .

زنکباردہ ، امید برونندہدہ مسلمانلر طرفندن ایتالیامتعہ تجاریہ سنہ مدہش ضررلر ایرات اولمشدر .

ایرانیلر بوقدرلہ اکتفا ایتیمہرک نجفدہ کی علمالرک واسطہ سیلہ ایتالیامتعہ سنک استعمالنہ بر (تحریم فتواسی) اصدار اولندیفی کبی ایتالیانک سائرشو ناتنہدہ اہمیت ویرلامسی بالخاصہ ایرانیلرہ توصیه ایلدلمشدر .

بونلردن بشقہ ایتالیامتعہ عموم مسلمانلری کندیسنہ ابدی صورتدہ دشمن ایتیمکہ چالیشدی . اولہ کہ بردہا بر مسلمانلہ ایتالیانک آرسہ ایضمنز . ایتالیادولت عثمانیہ یہ تجاوز ایتیمکی قولای و اہمیتمنز برشی ظن ایدیوردی . جیولیتی قاینہ سی بدبخت ایتالیانلری آلداتدی . حالبوکہ اعلان حرب عقیندہ چوق کچمکسزین مقام معلای خلافتک بالعموم کرہ ارضدہ بولان اسلام اوزرنندہ کی شدت نفوذ و تأثیرنی کرکی کبی کوردی . ہر طرفدن الی بوش بر حالہ دون ایتالیامتعہ ہرنہ یاپدیسہ مرانہ موفق اولہمدی وپشیمان اولدی . فقط بوشیانلق ایتالیایہ ہیج بر فائدہ تأمین ایدہ میہ جکدر . چونکہ ایش ایشدن کچمش ، اوق یایدن چیمشدر .

ایتالیانک ترکیادہ غائب ایتدیکی شیلردہ مہمدر . تر یا ایتالیامتعہ فقراسنک پناہی ، ملجای ایدی . شیمدی بومطردلرہ ایتالیانہ یاپہ بیلیر؟ خلاصہ ایتالیامتعہ حکومتی ، جیولیتی نی آصسہدہ ، یاقسہدہ کندی ضررینی تلافی ایدہ میہ جکدر . انکلیرلر ایتالیانک بوش قفالغہ کولوب ، دیشلرینی کوستریورلر .

انکلترہ و فرانسه متفقاً بی طرف قالہ جقلردر . چونکہ زیر حمایتلرندہ او قدر مسلمان واردرکہ بوندن بشقہ بریولتیقہ تعقیب ایدہ منزل . بوایکی بویوک وقوی الشکیمہ اوروپا دولتلیری بی طرف قالدقجہ اتفاق مثلث ارکانی بر شی یاپہ منزل .

س . م . ت

شیراز

عثمانی - ایتالیامتحاربہ سی :

درالجهادہ کی اسلام قوماندانلرینک اشعاری اوزرینہ حربیہ نظارتندن عثمانی آژانسہ تبلیغ ایلدلمشدر :

طرابلس غرب :

۱۵ و ۱۶ ہزیرانہ . - حزیرانک ۱۵ نجی کونی دشمن سیدی سعید جوارندہ کی محاربلمن اوزرینہ فائق برقوتلہ خروج حرکتی اجرا ایلرک خبلی مسافہ قزاعش ایسہدہ یدی ساعت امتداد ابدن شدتلی بر محاربہدن صوکرہ مقہوراً مجبور رجعت ایلدش و دکرہ قدر تعقیب اولمشدر . دشمنک تلفاتی کابلی اولوب بزدن یوز اللی شہید ، ایکی یوز مجرح وقوع بولمشدر . § حزیرانک اون ہشجی کونی وقوع بولان رجعتدہ وساحلی بحرہ قدر تعقیبیدہ دشمنک میدان محاربہدہ و بولہ ترک ایلدیکی اجساد مقتولہنک عددی ہش یوزی متجاوزدر . آنجق دشمن ، ایرتسی حزیرانک اون آلتنجی کونی یکیدن اوچ آلائی پیادہ ایلہ تجدید تجاوزات ایلدی . بوقیصلہ اوچ کیلو مترو شرقنہ وضع ایلدیکی بویوک چاپلی طویلرک آتشی و دکرزدن دخی ایکی قروواوزورک بومباردمانی تأثیراتیلہ ساحل قربندہ اولان سید سعیدک ترکنہ مجبوریت حاصل اولدی .

بو سنہ مکتبدن چیقان ملازم سعید صبحی افندی بومحاربہدہ شہید اولدی . شہدا و مجروحینمک مقدار صحیحی هنوز معلوم دکلدر . محاربہلمن سید سعیدک جنوبندہ مواقع لازمہ بی اشغال ایلدلمشدر .

معلومات متفرقہ :

توزیع مطافات . - العلمدہ اوقوندیغنہ نظراً میدان حربہدہ تأسیس اولنان مکاتب ابتدائیہنک امتحانلرینہ مباشرت اولنوب طلبہلر اوچ آئی طرفندہ کی تحصیللرندن امتحان ویرمشلردر . امتحانلرک رسیدہ حد ختام اولسیلہ انور بک طرفندن توزیع مکافات مراسمی اجرا ایلدلمشدر . انور بک عالی بر احتفال ائناسندہ مکافاتلری کندی الیلہ اثبات اہلیت و لیاقت ابدن مجاہدین اولادینہ تسلیم ایتشدر . احتفال مذکورہ بالجلہ ضابطان و مشایخ ورؤسای قبائل و مجاہدین ہضر بولنورلردی . طلبہ ، عربچہ و ترکیہ لسانلریلہ نشیدہ ، منظومہلر اوقومشلردر .

دارالجمہادہ برہنلری . - ( العلم ) غزتہ سنندہ اوقوندیغنہ کورہ ہندستان و سلطانک مشہور ( علیکدہ ) شہرینک اسلام دارالافتونی مجلس اعضاسندن ہندی ( ابا سعید ) کوکالی اولہرق میدان حربہ کیتمشدر . بوذات ہندستانک علماً ومالاً اکابرندن معدود بولنوب کندی پارہ سیلہ ہر شبئی حاضرلہ یوب یولہ چیمشدر .

عراق :

خطہ عراقیہدہ انکلیر حکمہلری - برای زیارت کربلاہ کن شیبی مذہبنہ سالک ہند و جنوبی ایران مسلمانلرینک ارہسندہ تحدت ایدہ جک منازعہلرک حل و فصلی ایچون انکلترہ حکومتی ( سامرا ) قصبہ سنندہ کی قونسولوسخانہ سنندہ بر محکمہ کشاد ایتشدر . اورا اہالیسی شہرلرندہ بیلہ بر اجنبی حکومتک محکمہ کشادینہ تحمل ایدہ میہرک محکمہنک لغو ایتدیلمسی ایچون بغداد والیسی جمال بک متوالیاً مراجعتدہ بولمشلردر . والی ولایت جمال بک بالکوز محکمہ قابو سنندہ کی سرلوحہ بی ایندیرہ بیلمش و اہالییہ قارشو تشکیل ایلدین محکمہنک بر اہمیت رسمیسہ سی اولدیغنی ولوحہ بی قالدیردیغنہ دائر بر بیساتنامہ نشر ایلرک اہالی بی تطمین ایتیمکہ چالیشمشدر . حکومت سننہ مالک عثمانیہدہ دور مشروطیتدہ بولہ محکمہلرک تشکیلنہ انماض عین ایدہ جک اولورسہ امتیازات اجنبیہنک دہاز یادہ توسیعنہ میدان ویرہ جک و بولہ دیگر اجنبی دولتلرک ( مکہ ) و ( قدس ) دہ محکمہلر کشادینہ یول آچش اولہ جقدر .

قبریس :

قبریس فوق العادہ قومیسرینک طلبی اوزرینہ قبریس قوای ضابطہ سنی تقویہ مصردن جلب اولنان بر بولوک انکلیر عسکری ( لفقوشہ ) دہ برہفتہ

ایده جکدر . مذکور قوای عسکریه ایله مصدرن اون درت صندوق مهمات نقل ایدیله رک باش قومیسر لکه تسلیم اولمشدر .

انکلیز عسکرلرینک مصارف نقلیه سیله قبریسه بولندقلری مدتیجه تأمین اداره سی حقنده صرف ایدیله جک مبالغ قبریس مالیه سنه تحمیل اولنه جقدر . بوباده صرف اولنه جق مبالغ اون بیک لیرایه بالغ اوله جنی تخمین ایدیله دور .

مصر :

هرسنه اولدینی کبی بوسنده انکله قرالی جورج حضرتلرینک یوم ولادنده عابدین میداننده اجرا ایدیله مصر رسامده مصر رئیس النظاری محمد سعید باشا انکله بانداره سی آلتنه اوطورمش و مراسمه اشتراک ایدرک لورد کچترک قاهرده بولنامسی اوزرینه کنده سنه وکالت ایدن دیگر برانکلیز جنرالی تبرک ایشدر .

دائماً عثمانلیغه قارشو بیوک برصمیمیتی اولدیغنی ادعا ایدن محمد سعید پاشایه انکله حکومتی طرفندن یوم ولادت کونی « بیوک صلیب » نشانی اعطا قلمشدر .

براسلام مملکتک فوکنی . انکله حکومتی مصرسودان شمدوفر

خطنی فرانسو سودان خطیله برلشدیرمک نیتنده ایکن بوکره الصاقدن مقدم دارفور سلطانی علی بن دینار حضرتلرینک زیراداره سنده کی مملکتی بدبیطه کچیرمک ایدن صکره شمدوفر خطنی ربط اتمک آرزوسنده در . بومملکتی زیر اداره سنه آلتی ایچون مصر عسکرینک تحشیدینه دوام اتمک اوزره بولنیور . بواسلامه اسلامی قیردیرمقدن بشقه برشی دکدر . دارفورسلطانی رشیح سنونی حضرتلرله وودمره ووادای سلطانیله متفق اولدیغندن بو محاربه کوچک برحاربه اولیه جقدر . وودمره سلطانی درت بش سنه صره ایله فرانسه حکومتیله محاربه ایش وهر دفعه سنده مظفر اولمشدر .

لحج امیری . اللواء عزته سنده اوقوندیغنه کوره ، عدن داخلنده مستقل بر امارته مالک اولوب انکلیزلر طرفندن کنده سنه ( سر ) لقبی ویریلن لحج امیری حضرتلری برای نزه مصره کلرک یمن اشرافی سید عیید بن بلال حضرتلرینه مسافر اولمشدر . مشار الهیک قاهره بومواصلتلی اوزرینه خدیویت مصریه ایله انکلیزلر طرفندن حقنده مراسم احترامیه ایضا قلدینی کبی عثمانلی قومیسر لکی طرفندن ده بیان خوش آمدی ضمننده بر مأمور مخصوص اعزام ایلمشدر .

بلغارستان :

بلغارستانده معارف اسلامیه . صوفیه عزته لرنده اوقوندیغنه کوره ماه حالک ۲۷ نجی کونی بلغارستان معلمین اسلامیه جمعیتی اسکی جمعه قصبه سنده برقونفره عقد ایده جکدر . بوندن پدی سنه اول تشکل ایش و شیمدی به قدر بلغارستان معارف اسلامیه سنه پک کزیده خدمت لدره بولنش اولان بو جمعیتک یدنجی دفعه اولقی اوزره انعقاد ایده جک اولان قونفره سنده ، کرک مکاتب اسلامیه تک احتیاجات ماده و مالیه سنه و کرک اک یکی اصول و آثاره عائد غایت فائده لی قونفرانس لر ویریه جکدر . بوقونفره لرک اهمیتی تقدیره باشلایان بلغارستان مکاتب اسلامیه انجمنلرک آله اشتراک ایده جک معلمله خرج راه ویرمکده اولدقلری کبی بلغارستان حکومتی ده قونفره به کیده جک معلملر ایچون شمدوفر اجرندن یوزده الی نغزبات اجرا اتمکده در . عین زمانده بومعلمین قونفره لری ، اهالی اسلامیه بی جهت معارفه تشویق و ترغیب ایلمکده در .

انکله :

لوزره جمعیت اسلامیه سی العلم عزته سنده اوقوندیغنه نظراً لوندره جمعیت اسلامیه سی ۸ حیران افرنجی تاریخنده میرزا ( عباس علی ) بکک ریاستی تحتنده اجتماع ایدوب امور اداره ایله اشتغال ایشدر . جمعیت سرکزنده موجود نقود و مصارف حساب تدقیق ایدلش و یوز الی کشیدن عبارت بولنان حضارک قرایله بکیدن جمعیه رئیس و هیئت اداره انتخاب اولمشدر . هندلی قائم مقام سید حسن ریاست دائمه انتخاباننده احراز اکثریت ایشدر .

انتخاباتک اجراسندن صکره کره ارض اوزرنده یشایان بالجه اقوام و ملل آره سنده قوی بر رابطه مودت و اخوت تأسیسی مسلمانلره اوروپالیلر پیونده برمودت استحصاله مسلمانلره اسلامیتک حقوقی جدی صورتده مدافعه اتمک مسلمانلری تحصیل و تعلیمه تشویق و مالک اسلامیه ده معارفک ترفی و تعالیسنه چالیشمغه انکله ده بولنان مسلمانلره ماده و معاً معاوننده بولمغه و شعائر دینه تک اجراسیچون بر جامع شریف و تعطیل زمانلری تبع و مطالعه ایله کچیرمک ایچون لوندره ده بولنان مسلمانلره بر مطالعه خانه انشاسنه و مسلمانلره مخصوص اولقی اوزره بر مزارستان احداثه و مسلمانلرک عدم ترقیلری اسبابنک تحریسه آکا کوره بر چاره حقیقه کشفنه دائر مقررات اتخاذ اولمشدر .

لوزره جمعیت مصریه . لوندره ده تحصیلده بولنان مصرلی طلبه طرفندن انکله به مواصلت ایدن خدیو مصر حضرتلرینه آتیده کی تلغرافنامه یازلمشدر :

وندسور کامل قصرنده بولنان خدیو مصر حضرتلرینه : اهالیسنی سوهن برملکه واجب اولان معامله مثللو قدمکزی « ترحیب » خوش آمدیلک ایضا ایدرز . لکن بالدفعات طلب ایشدیکنم حقمنی « مشروطیتی » بزه اعاده اتمکجه سزه هیچ بر اخلاصی رؤیاده خاطر مزدن کچره یز . قدمکزی سزه « خوش آمدی بی » ایضا اتمکی دوشونن هر مصرلی بی کندی افرادی میانته جمعیت قبول اتمز . انکله ده جمعیت مصریه

ایران :

سالار الدوله . نوویه وره میا غزته سنک بیانانته کوره سالار الدوله ایشایله بروجرد طرفنه طوغری حرکت ایشدر . بزه قایرسه بو جوادنک قید احتیاطله تلقی ایدلسی لازم کلیر .

محمده هاکی سردار رفیع و بختیاریلر . شوشتر شهری محمه هاکنک منطقه سی داخلنده بولندیغندن اورای بختیاریلر کندی یایلاری ایچون ضبطه قالدیشمشلدر . بو مناسبتله بختیاریلره محمه هاکی آره سنده محاربه باشلامش و حرک کسب وسعت ایده جکی ایران حکومتجه قناعت حاصل اولسی اوزرینه بختیاریلرک شوشتر دن چقلملری ایچون طهران قایینه سی طرفندن او امر مخصوصه ویرلش و بو صورتله غوغایه خاتم ویرلمشدر .

ماورای ایران شمدورفری . روسیه دن هندستانه قدر ایران طریقله جکیله جک اولان شمدورفرک امور مالیه و فیه سنه باقی اوزره فرانسه انکله ده روسیه حکومتلری طرفندن پارسده بر قومیته تک تشکلنه تشبث اولمش و فرانسه سابق رجال سیاسیه سندن اولان موسیو ( ریندر ) ک ریاستی تحتنده بر هیئت تشکل ایشدر . بو هیئت داخلنده هر اوچ مملکت مؤسسات مالیه سندن بر سر مرخص کوندرلشدر . فقط تاسمک افاده سنه باقیلرسه هندستانک آتیسندن امین بولندیغنه انکله حکومتی بو شمدورفرک تمدینه موافقت اتمه جکدر .

فاس :

مولای حفیظ مقر حکومتی ترک ایدوب صاوشدی . فرانسولر طوبیلرینی مقر حکومت و مسلط اولان طاع و تپه لرک ذروه لرینه یرلشدیرمشلدر . اوفاجق بر حرکت عقبنده فرانسولر شهری خاک ایله یکسان اتمک مقتدر درلر . محاربه ویرکوسی و یا تضمیناتی جنرال لیوته ی طرفندن الفنا ایدیله رک بعض محبوسینک ده تخلیه لرینی امر ایلمشدر . بوسورتله اهالینک کوکانی اله اتمک ایستمشدر . قبائل عاصیه ظاهراً طاغیلش کبی کورونیورلر ایسه ده ، باطناً صراکش امارته نامزد اولان شریک اطرافنه طویلانغده و تکرار فرانسولره قارشو محاربه اتمک ایچون تدارک آنده بولنیورلر .

مطبعة احمد احسان و شرکاسی مدیر مسئول : اشرف ارباب